

Kontuola

ANTZUOLA / Egubakoitza / 2003eko azaroaren 14a / 178. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Anelkar, bost urtez Hirugarren Munduari elkartasuna adieraziz

ENEIDA ITURBE

Anelkar sortu zen arte, Antzuolan hainbat elkartasun talde zeuden, nor bere aldetik lanean. Duela bost urte beren indarrak elkartzea erabaki zuten beharrez zeudenei hobeto laguntzeko. Ordutik hona gogotsu ari dira eta kanpaina ugari egin dituzte.

Anelkar, Antzuolako Elkartasun Taldea, 1998ko azaroaren 10ean sortu zen gobernuz kanpoko erakunde bezala. Hiru taldetako kideak elkartu ziren GKE honetan: Brasilerak laguntza bidaltzen zuena, Bosniako gerra zela eta sortutakoa eta Rwandaren aldeko taldea. Bakarka lan egin beharrean, euren indarrak elkartuta zerbitzu hobea burutuko zuten ziurtasunarekin sortu zuten Anelkar.

Ordutik hona Elkartasun Festak, hitzaldiak, erakusketak, bidezko merkataritzako postua, etab. antolatu dituzte eta Hirugarren Munduko zenbait herrialderi lagundu. Brasilgo Canudos lurraldera diru asko bidali dute, han Juan Antonio Lizarralde antzuolarra baitago. Hala ere, ez da laguntza jaso duen herrialde



AINZANE IRIZAR

Anelkarrek kanpaina asko egin ditu Hirugarren Munduko herrialdeetara laguntza bidaltzeko.

bakarra izan. 2000n botikak bidali zituzten Boli Kostara eta 2001ean sorgailua Senegalera. Mozambique, Kongo eta El Salvadorri ere lagundu diete.

2002ko herriko jaietan antolatutako tonbola izan da Anelkar

ren arrakastarik handiena; 6.000 euro baino gehiago lortu zituzten honekin. Gari jotzea izan da euren azken ekintza. Taldearen ekimenean herritar ugari parte hartzen du, soberan erakutsiaz euren sensibilizazioa eta elkartasuna.

GAINBEGIRATUA ETA ALDAKETAK

Biharko antolatu duten babarrun-janean urteurrena ospatuko du Anelkarrek. Aldaketak egiteko aprobetxatuko dute; adibidez, diruzaina aldatzeko. Kide berriak gustura hartuko dituzte.

HERRITARREN HITZA / Beñardo Kortabarria · Kazetaria

Konpon zaitetze!!

Kontua ezaguna da; hortaz arazoaren planteamendua labor doa: Gertu Gae plataformako botoek ez dute ordezkartzarik Antzuolako Udalean. Hauteskunde ostean, uda aurretik, EAJ-EA eta Gertu Gaeren arteko bileraren batzuk egin eiziren, baina, bistan denez, emaitza on barik.

Horren errudunak egongo dira, dudarik ez, baina orain garrantzitsuena arazoi irteera ematea da. Konponbideak behar dira, eta bizkor, botoeskubidea zuten herritarren ia % 34 (hirutik bat) ezin baitira derrepentean desagertarazi.

Zauria hor dago, eta erabat gaiztotu aurretik itxi egin behar da.

Izan ere, nork nahi du hiru pertsonatik bat konpontzen ez den herri batean bizitzea? Zer gertatuko litzateke batek beste bie hitza ukatuko balie? Eta urteroko Mairuaren Alardean irteten diren etatik herenak ezetz esango baluke? Eta hirutik batek zergarik ordainduko ez balu? Eta horri erantzunez, giroa erabat



“Elkarrekin eseri eta hitz egin dezatela berriro”

eta etorkizunik nahi ez dudalako, uste dut herritar guztion erantzukizuna dela Antzuolako Udalari eta Gertu Gae platafor-

gaiztotu eta... hitza ukatzen duena bat izan beharrez bi izango balira? Zer nolako herria egiten ariko ginatke? Nik ez dut horrelako Antzuola batean bizitzerik nahi, eta alde bietakoei botoa emandako gehienok ere ez, seguru nago horrekin.

Horregatik, horrelako herririk eta etorkizunik nahi ez dudalako, uste dut herritar guztion erantzukizuna dela Antzuolako Udalari eta Gertu Gae platafor-

mari konpon daitezela exijitzea; eta eurena, exijentzia horri, ahalegin berri batekin erantzuna ematea.

Hortaz, elkarrekin eseri daitezela berriro ere, eta hitz egiten has daitezela. Mugak? Niretzako argiak dira: Gertu Gaek ezin die exijitu EAJ-EAri ilegal izatea; azken bi talde horiek, aldiz, behartuta daude bermatzera Antzuolako herritarren % 34ren borondateak udaletxean ahotsa eta botoa izango dituela. Tarte horretan, ilegal izan barik, alegal izanda egin daitezke gauzak nire ustetan. Alde bien borondatean dago gakoa.

LABUR

Jostailuen erakusketa egongo da asteburuan

Antzuolako herri ikastetxean jostailuen inguruko hainbat ekintza antolatu dituzte; guztiak ere, jostailuak ongi aukeratzeko. Bihar, zapatua, eta etzi, domeka, jostailuen erakusketa izango da Olaranen 17:00etatik 20:00etara. Haurrak ezin izango dira bakarrik ibili, gurasoek lagunduta joan beharko dute.

Erakusketan informazio orriak eta jostailuak probatzeko aukera eskainiko dira. Helburua guraso zein haurrek jostailuak ongi ezagutzeta da, hala erosterakoan umearen adin eta izaeraren arabera ongi aukeratzeko.

Hurrengo asteburuan, hilaren 22 eta 23an, beste erakusketa bat izango da Olaranen. Merkatuan dagoen euskarazko jostailu eta materiala izango dira ikusgai.

Erretiratuentzat hitzaldia eta gaztaina erre jana

Adinduei zuzenduriko *Afektibitatea eta sexualitatea adin duengan* hitzaldia eta gaztaina erre jana izango dira datorren egunean, hilak 20. Hitzaldia 17:30ean eskainiko da Olaranen. Hau amaitzean gaztaina erre jana izango da Accion Catolican. Azken honetara joateko izena eman beharko da erretiratuetan.

‘Euskal pilota’ Medemen filma, Antzuolan

Euskal pilota. Larrua herritarren aurka Julio Medemen filma Antzuolan ikusteko aukera izango da hurrengo zapatuan, azaroak 22. Elkarrikerriko du filma herrira eta bi emanaldi izango dira, 18:00etan eta 22:00etan, herri ikastetxean. Sarrerak Altzartan eta Itzar liburu dendan salduko dituzte 3 eurotan.

IRAKURLIARENTXOKUA

ARRISKUTSUA

Udaletik jakin dugu herri-rako beheko sarrera momentuz ez dela egingo, Diputazioan dirurik ez dutelako. Sarrera hau beti izan da arriskutsua eta istripu asko izan dira; zorionez, orain arte, hildakorik gabe. Baina arriskua areagotzen ari da, arriskua egunetik egunera handitzen doalako. Horregatik ez zaigu onargarria iruditzen urte batzuk pasa behar harko direla aldaketa hori egiteko esatea. Beste gauza batzuetarako badago dirua. Momentuz ez badute egin nahi, arriskua gutxitzeko alternatibak badaude, uste dugu; esaterako semaforoak, lurteko tirak, indikazioak hobetu etab. Dena den, badirudi Udala Diputazioaren aurrean presioa egitearen alde dagoela. Ezker Aherztzaletik eginkizun horretan gure laguntza guztia izango dutela esan nahi diegu.

ANTZUOLAKO EZKER ABERTZALEA

TOPONIMIA

Kristina Pavok lortu du toponimia beka

ENEIDA ITURBE

Kristina Pavo antzuolarrak eskuratu du Antzuolako toponimia aztertu eta biltzeko ikerketa beka. Udalak deituriko lehiaketara bi aurreproiektu aurkeztu zituzten eta Kristinarena aukeratu du epaimahaiak.

Kristinak ilusioz hartu du berria. Euskal Filologia ikasi eta euskalategi batean irakasle aritu ondoren, beste pauso bat emateko aukera paregabea iruditzen zaio beka hori: "Toponimia gure hizkuntzaren lekukorik zaharrena denez", oso interesgarria iruditzen zaio hori biltzea. Urtebeteko epea eman diote ikerketa egiteko eta horretan buru-belarri aritzeko asmoa dauka.

Bere lana herriko tokien izenak jaso, aztertu, sailkatu eta arautzea izango da. Hala, base-riak, iturriak, mendiak eta beste hainbat lekuren izenak izango ditu aztergai Kristinak.

Lanaren helburua ondare historikoa jaso eta galtzeko arriskua duten izenak gordetzea izango da. Informazioa lortzeko idatziz-



Kristina Pavo filologoa da.

ko dokumentuak aztertuko ditu, baina ahozko iturriak ere erabiliko ditu: zenbait herritar nagusi elkarrizketatuko ditu; izan ere, haiek ezagutzen dute ondoen herriko toponimia zaharra.

IKERKETAREN JARRAIPENA

Euskaltzaindiko kide batek zuzenduko du Kristina Pavoren ikerketa. Lanaren segimenduz, berriz, jarraipen batzorde bat arduratuko da.

KIROLA

PARTIDUAK

FUTBOLA

Azaroak 15
15:30: Antzuola-Urki (2. erregio.)
Azaroak 16
12:00: Antzuola-Zarauz (Neskak)

PILOTA

Azaroak 15 (Gipuzkoako txapelk.)
17:00: Olalde-Andazte 2 (eskuz nag.)

EMAITZAK

FUTBOLA

Arrate - Antzuola - (2. erreg.)
Antzuola 1 Ikasberri 2 (Gazteak)
Antzuola 1-Eibartarrak B 4 (Kadet.)
Bergara 14 Antzuola 1 (Neskak)

PILOTA

Gipuzkoako txapelketa
Oialde-Mundarriz (kadeteak) . . . 22-20
Aretxabaleta-Oialde (infant.) . . . 18-10

Aitor eta Iker Larrea, lehen antzuolarrak Behobia-Donostian

Aitor eta Iker Larrea anaiek 270. eta 271. postuetan amaitu zuten Behobia-Donostia lasterketa pasa den domekan, hilak 9. Aitor izan zen helmugara iritsi zen lehen antzuolarra eta ordubete hamasei minutu eta hamasei segundo behar izan zituen lasterketa burutzeko, anaiak baino segundo bat gutxiago. Hirugarren herritarra Igor Labaien Olasolo izan zen.

Guztira 17 antzuolar iritsi ziren lasterketako helmugara, 16 gizonetako eta neska bakarra: Leire Larrea. Hark bi orduan bete zuen Behobiatik Donostiarainoko bidea.

GAZTEAK

Udala, gazteen beharrak aztertzen

E.I.

Antzuolako zenbait gaztek ez dute asteburu arratsaldeak igarotzeko leku egokirik eta kaleko txokoren batean egoten dira lagunekin berriketan. Udalak gazte horien beharren inguruko hausnarketa egingo du, irtenbidea aurkitzeko helburuarekin.

Antzuolako gazteen egoera ikertzeaz Txatxilipurdiko kideak arduratuko dira. Arrasate Euskaldun Dezagun erakundeko haur eta gazte ekintzak egiten dituen taldea da Txatxilipurdi. Hausnarketa bi hilabete egingo da egotea espero du Udalak. Ondoren diagnostikoa egingo dute eta, gero, lanean hasi.

Udalak 12tik 17 urte bitarteko gazteak eta hortik gorakoak bereizten ditu. Lehenengo taldeak lokal edo txoko baten behar handiagoa duela eta nagusiagoek, aldiz, beste aukera batzuk dituztela uste du.

Txatxilipurdiren lana 12-17 urte bitarteko beharrak ezagutzeko izango da, beraz. Ziurrenik, ondoren, horiendako txoko


bat antolatuko dela dio Udalak, "gazte txoko" baten antzekoa.

AGA-K UDALAREKIN BATZARRA IZAN DU
Antzuolako Gazte Asanbladako kideek Udalarekin batzarra izatea eskatu zuten, gazteen inguruko egoera nola dagoen jakiteko. AGAko ordezkari batzuk alkaterekin elkartu ziren eta hark Udalaren asmoak azaldu zizkien.

Udalaren asmoek 18 urtetik gorako gazteak kanpo uzten dituela kritikatu du AGA: "Ematen zaigun aukera bakarra tabernetara edo herritik kanpo joatea da". Gazteagoek egoteko leku baten behar handiagoa dutela uste dute eurek ere, baina nagusiagoak ere herrian geratzea bultzatu behar dela pentsatzen dute.

AGA uda osteko lehen batzarra izan zuen pasa den zapatuan. Orain, sarriago elkartu eta hainbat ekimen martxan jartzeko asmoa dute. Euren helburua eurek gestionaturiko gaztetxea lortzea da.

Udalak AGAekin harremanetan jarraitzeko asmoa duela adierazi dio KONTUOLARI.



Eguzki auzoko aparkalekua

Maristen eraikina zegoen lekuan aparkalekua jarri du Udalak. Eguzki auzotik sartzeko da aparkalekua eta aste batzuk daramatza irekita. Dena den, oraingoz auto gutxi ikusten dira han.

Toki honetan gizarte etxea eraikitzeko asmoa dago, baina lan horiek 2005eko urtarilean hasiko dira gutxi gorabehera. Udalak ordu arte lekua aprobetxatzea erabaki du. Aparkalekuaren gainaldean, autobus geltokiaren ondoan, egurrezko horma bat jarri dute, behera inor eror ez dadin ./E.I.

II SUKALDEKO ALTZARIAK

Harizki

MUEBLES IGEA

Sukalderako eta bainurako altzariak
Altzari rustikoetan espezializatuak

Zurrategi plaza 4, behea. ANTZUOLA. Tel. eta faxa 943 78 71 80

DEKORAZIOA

ABAD

PINTURAK
ANTZUOLA
PAPER PINTATUAK

Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA